

類編增廣黃先生大全文集

六



類編增廣先生大全文集卷第十四

花卉

效王仲至詠姚花四首



映日低風整復斜綠玉眉心黃袖遮大梁城裏雖罕見心知不是海棠花

又

九疑山中萼綠華黃雲承轡到羊家真筌虫蝕詩句斷猶託餘情

又

仙衣襲積駕黃鸝草木無光一突開人間風日不可柰故待成陰葉下來

又

湯沐冰肌照春色海牛壓簾風不開直言紅塵無路入猶傍蜂須蝶翅來

乞姚花二首

正是風光懶困時姚黃開晚落應遲欲雕好句乞春色日曆如山不到詩

又

青春日月鳥飛過汗簡文書山疊重乞取好花天上看宮衣黃帶御爐烘

王才元許牡丹求詩

聞道潛溪千葉紫主人不剪要題詩欲搜佳句恐春老試遣七言賒一枝

謝王舍人剪送狀元紅

清香拂袖剪來紅似繞名園曉露叢欲作短章憑阿素緩歌誇與落花風

王立之小詩送並蒂牡丹戲荅

分送香紅惜折殘春陰醉起薄羅寒不如王謝堂前燕曾見新粧並倚欄

見諸人醉醮詩次韻

梅殘紅藥遲此物共春歸名字因壺酒風流付枕幃墜鈿香徑草飄雪淨

垣衣玉氣晴虹發沉材鋸屑霏直知多不厭何忍摘令稀常恨金沙學顰

時正可揮

觀王主簿家醉醮

肌膚冰雪薰沉水百草千花莫比芳露濕何郎試湯餅日烘荀令炷爐香

風流徹骨成春酒夢寐宜人入枕囊輸與能詩王主簿瑤臺影裏據胡牀

張仲謀家醉醮委地

沉水衣籠白玉苗不蒙前沸苦無聊煩君斫取西莊柳扶起春風十萬條

醉醮

漢宮嬌額半塗黃入骨濃薰賈女香日色漸遲風力細倚欄偷舞白霓裳

以金沙醑醑送公壽

天遣醑醑玉作花紫綿揉色染金沙憑君着意樽前看便與春工立等差

崧

王充道送水仙花

凌波仙子生塵襪水上輕盈步微月是誰招此斷腸魂種作寒花寄愁絕
含香體素欲傾城山礬是弟梅是兄坐對真成被花惱出門一笑大江橫

劉邦直送水仙花二首

得水能仙天與奇寒香寂寞動冰肌仙風道骨今誰有淡掃蛾眉篸一枝

又

錢塘昔聞水仙廟荊州今見水仙花暗香靜色撩詩句宜在林逋處士家

次韻中玉水仙花二首

借水開花自一奇水沉為骨玉為肌暗香已壓醑醑倒只比寒梅無好枝

又

淤泥解作白蓮藕葦壤能開黃玉花可惜國香天不管隨緣流落小民家

吳君送水仙花

黃文十四

二

折送南園栗玉花并移香本到寒家何時持上玉宸殿乞與宮梅定等差

菊

戲荅子予送凌風菊二首

病來孤負鸕鷀杓禪板蒲團入眼中浪說閑居愛重九黃花應笑白頭翁

又

王郎頗病金瓢酒不耐寒花晚更芳瘦盡腰圍怯風景故來歸我一枝香

戲荅觀復醑醑菊二首

誰將陶令黃金菊幻作醑醑白玉花小草直成有風味東園添我老生涯

又

呂園未肯輕沽我且寄田家砌下栽它日秋花媚重九清香知自故人來

梅

王才元惠梅花二種三首

城南名士遣春來三月乃見臙前梅定知鎖著江南客故放綠陰春晚回

又

舍人梅塢無關鎖携酒俗人來未曾舊時愛菊陶彭澤今作梅花樹下僧

又

病夫中歲屏杯杓百葉緜梅觸撥人拂殺官黃春有思滿城桃李不能春

次韻中玉早梅二首

梅蕊爭先公不嗔，知公家有似梅人。何時各得自由去，相逐揚州作好春。

又

折得寒香不露機，小牕斜日兩三枝。羅帷翠幕深調護，已被遊蜂聖得知。

劉邦直送早梅二首

數船續纜北風嗔，霜落千林憔悴人。欲問江南近消息，喜君貽我一枝春。

又

探請東皇第一機，水邊風日笑橫枝。鴛鴦浮弄嬋娟影，白鷺窺魚疑不知。

急雪寄王立之問梅花

紅梅雪裏與蓑衣，莫遣寒侵鶴膝枝。老子此中殊不淺，尚堪何遜作同時。

又寄王立之

南人羈旅不成歸，夢遶南枝與北枝。安得孤根連夜發，要當雪月並明時。

王立之報梅花落盡戲荅

南枝北枝春事休，榆錢可穿柳帶柔。定是沈郎作詩瘦，不應春能生許愁。

李右司詩送梅花至潞公次韻

凡花俗草敗人意，晚見瓊蕤不恨遲。江左風流尚如此，春功終到歲寒枝。

以梅餽晁深道二首

帶葉連枝摘未殘，依依茶塢竹籬間。相如病渴應須此，莫與文君感遠山。

又

渴夢吞江起解顏，詩成有味齒牙間。前身鄴下劉公幹，今日江南庾子山。

戲荅晁深道乞消梅二首

青莎徑裏香未乾，黃鳥陰中實已團。蒸豆作烏鹽，作白屬聞丹杏薦牙盤。

又

北客未嘗眉自顰，南人誇說齒生津。磨錢和密誰能許，去蒂供鹽亦可人。

戲詠蠟梅二首

金箔鎖春寒，惱人香未展。雖無桃李顏，風味極不淺。

又

體薰山麝臍，色染薔薇露。披拂不滿襟，時有暗香度。

從張仲謀乞蠟梅

聞君寺後野梅發，香蜜染成宮樣黃。不擬折來遞老眼，欲知春色到池塘。

蠟梅

天工戲剪百花房奪盡人工更有香埋玉地中成故物折枝鏡裏憶新粧

短韻奉乞蠟梅

卧雲莊上殘花笑香似早梅開不遲淺色春衫弄風日遣來當為作新詩

雜花

題山礬花

江湖南野中有一種小白花木高數尺春開極香野人謂之鄭花王荆公嘗欲作詩而陋其名予請名曰山礬野人採鄭花葉以染黃不借礬而成色故名山礬海岸孤絕處補陀山譯者以謂小白花予疑即此花爾不然何以觀音老人端坐不去耶

高節亭邊竹已空山礬獨自倚春風二三名士開顏笑把折花光水不通

又

北嶺山礬取次開清風正用此時來平生習氣難料理愛著幽香未擬回

和師厚接花

妙手從公得接花如有神根株穰下土顏色洛陽春雅也本犁子仲由元鄙人升堂與入室只在一揮斤

從人求花

舍南舍北勃姑啼體中不佳陰雨垂欲向黃梅問消息背陰合有兩三枝

次韻楊君全送春花

化工能幹大鈞回不得東君花不開誰道纖纖綠牕手磨刀剪絲喚春來應之送春花

千林搖落照秋空忽散穠花在眼中蝶繞蜂隨俱入座君家女手化春風

次韻師厚萱草

從來占北堂雨露借恩光與菊亂佳色共葵傾太陽人生真苦相物理忌孤芳不及空庭草榮衰可兩忘

竹木

和甫得竹數本作詩和之

初候一畝宮風雨到卧席前日築短垣昨日始封植平生歲寒心樂見歲寒色翩翩佳公子為致一牕碧憶公來相居筮吉龜墨食人言陋如何我自適其適白眼對俗徒醉帽坐歌側人知愛酒耳不解心得得阿堵絕往還此君是賓客清風吹月來懽甚齒折屐有節以見聖無言諒知默數回長者車猶恨地未僻陰雨打葉時曲肱自宴息心游萬物初何處尋轍迹

從來脩竹林乃是逸民國

和師厚栽竹

大隱在城市此君真友生根須辰日斲筍要上番成龍化葛陂去鳳吹阿閣鳴草荒三徑斷歲晚見交情

戲荅季常寄連理松枝二首

故人折松寄千里想聽萬壑風泉音誰言五鬢蒼煙面猶作人間兒女心

又

老松連枝亦偶然紅紫事退獨參天金沙灘頭鏤子骨不妨隨俗暫嬾娟

次韻景珍醉醪

莫惜金錢買玉英擔頭春老過清明天香國艷不著意詩社酒徒空得名及此一時須痛飲已拚三日作狂醒濠州園裏都開盡腸斷蕭蕭雨打聲

伯氏菊花開時有美酒

鬢髮班然潘騎省腰圍瘦盡沈東陽茶甌屢煮龍山白酒椀希逢若下黃烏角巾邊簪細朶紅銀盤面凍糖霜會須著意憐時物看取年華不久芳

陳季張有芙蓉作詩戲之

剪花莫學韓中令投轄惟聞陳孟公客興不孤竹葉年華全屬拒霜叢

玄冥感迫三秋盡青女催殘一夜空著意留連好風景非君誰作主人翁

再贈陳季張芙蓉花二首

鼓盆莊叟賦情濃天遣霜華慰此公想見尚能迷蝶夢移栽聞說自蠶叢酒傾玉醖垂蓮盡繪簇金盤下筋空秉燭欄邊連夜飲全勝折與賣花翁

又

倒著接羅吾素風當時酪酊似山公且看小檻新花蕊休泥他家晚菊叢崔筴千金延客醉解醒五斗為君空歡娛盡屬少年事白髮欺人作老翁

次韻任公漸感梅花

花信風來自伊洛稍稍花光上林薄經年病骨怯輕寒栽就春衫不勝著
纍纍墻底臥虛樽醉鄉何處尋城郭小軒假寐遊華胥萬籟無聲燈寂寔落
梅新詩入吾手驚起詩魔如發愕高文逸氣天馬趨尾端尚許青蠅託坐
恐勾芒弃我歸看花不及空紫萼生前常苦不自閑芻豢縻人受羈絡
我嗟卒歲敝鞍韉風敗衣裾塵滿橐輕裘緩帶多公暇公獨奈何猶不樂
公言少年豈易知鳳屏翠幔秋蕭索蚤從琪樹折春飈每見新詩淚雙落

勸公且共歡此酒酒令雖嚴莫嗔虐時翻舞袖間清歌日薦南尊羨北酪
花開莫問醜與妍隨分眼前罄杯酌不須憔悴減腰圍也學東陽沈侯約

次韻賞梅

安知宋玉在隣牆笑立春晴照粉光淡薄似能知我意幽閑元不為人芳
微風拂掠生春思小雨簾纖洗暗粧只恐濃而委泥土誰今解合返魂香

北園步折梅寄君庸

林中破突冰雪雨不著世間朱粉塵獨立晚風香滿袖無人同詠一枝春

次韻晉之賞梨花

沙頭十日春當日誰手種風飄香未改雪壓枝自重看花思食實知味少
人共霜降百工休把酒約寬縱

賦陳李張杏花

青春不揀勢濃厚春到人家盡花柳杏園主人殊未來豈謂一枝先入手
天晴日暖籠紫煙鏡裏紅粧猶帶酒江梅已盡桃李遲此時此花即吾友
欄邊漸雨枝上空歎息躊躇爲之久榮衰何異人一生少壯暫時成老醜
狂癡未解惜光陰不飲十人常八九豈如大醉升糟丘太古乾坤隨處有
更當種子如董仙博米誰能問升斗

題安石榴雙葉

紅榴雙葉元自雙誰能一朝使渠隻如何陳張別頸交借兵相亡不餘力
有情著物指死爭誰能有形而無情

延壽寺見紅藥

醉如紅墮珥奈此惱人香政爾無言笑未應吳國亡
一夕風雨唯有狝豨戲題

筇竹

紅藥山丹逐曉風春榮分到狝豨叢朱顏願欲辭鏡去黃葉掘根儻見功
道人手插兩三竹使君忽來唾珠玉不須客賦千首詩若是賞音一夔足
世人同處但同流一絲不掛似太俗客來問我有何好道人優波遠山綠

陳氏園詠竹

不問主人來看竹小溪風物似家林春供饋婦幾番筍夏與行人百畝陰
直氣雖衝雲漢上高材終恐斧斤尋截竿可舉比溟鈞欲贈溪翁誰姓任
從陳李張求竹竿引水

井邊分水過寒廳
斬竹南溪仗友生
來釀百壺春酒味
怒流三峽夜泉聲
能令官舍庖厨潔
未減君家風月清
揮斧直須輕放手
却愁食實鳳皇鶩

道中聞松聲

蟠空作風雨
發地鳴鼓吹
日晴四無人
聲在高林際
伊優兒女語
寒淺市井議
我欲抱七絃
寫此以卒歲

何氏悅亭詠栢

澗底長松風雨寒
岡頭老栢顏色悅
天生草木臭味同
同盛同衰見冰雪
君莫愛清江百尺船
刀鋸來謀歲寒節
千林無葉草根黃
蒼髯龍吟送日月

須編曾黃先生大全文集卷第十四

須編曾黃先生大全文集卷第十四

須編曾黃先生大全文集卷第十四

須編曾黃先生大全文集卷第十四

須編曾黃先生大全文集卷第十四

類編增廣黃先生大全文集卷第十四

類編增廣黃先生大全文集卷第十五

投贈

贈李彥深

學髯家徒立四壁未嘗一飯能留客春寒茅屋交相風倚墻捫虱讀書策
老妻甘貧能養姑寧剪髮鬢不典書大兒得食不索魚小兒得禪不索襦
庾郎鮭菜二十七太常齋日三百餘上丁分膳一飽飯藏神夢訴羊羹蔬
世傳寒士有食籍一生當飯百甕道冥冥主張審如此附郭小圃宜勤鉏
葱秧青青葵甲綠早韭晚菘羹糝熟克虛解戰賴湯餅茗以泝齏與甘菊
幾日憐槐已着花一心兕笋莫成竹群兒笑髯窮百巧我謂勝人飯重肉
群兒笑髯不若人我獨愛髯無事貧君不見猛虎即人厭糜鹿人還寢皮
食其肉濡需終與豕俱焦飲肥擇甘果非福虫蟻無知不足驚橫目之民
萬物靈請食熊蟠楚千乘立死山壁漢公卿李髯作人有佳處李髯作詩
有佳句雖無厚祿故人書門外猶多長者車我讀楊雄逐貧賦斯人用意
未全疎

次子瞻贈王定國

青大十五

遠志作小草蠹衣生陵屯但為居移氣其實何足言名下難為人醜好隨
手翻百年炊未熟一姪蟻追奔夏日蓬山永戎葵茂牆藩王子吐佳句如
蠶絲出盆風姿極灑落雲氣畫墨樽屬有補袞章自當寵頻煩鄙夫無它
能上車問寒溫唯思窮山去抱犢長兒孫

贈秦少儀

汝南許文休馬磨白衣食但聞郡功曹滿世名籍籍渠命有顯晦非人作
通塞秦氏多英俊少游眉最白頗聞鴻鴈行筆皆萬人敵吾早知有觀而
不知有觀少儀袖詩來剖蚌珠的皜乃能持一鏃與我箭鋒直自吾得此
詩三日卧向壁挽士不能寸推去輒數尺才難不其然有亦未易識

古風二首上子瞻

江梅有佳實託根桃李場桃李終不言朝露借恩光孤芳已皎潔水雪空
自香古來和鼎實此物升廟廊歲月坐成晚煙雨青已黃得升桃李盤以
遠初見嘗終然不可口擲置官道傍但使本根在棄捐果何傷

又

青松出澗壑十里聞風聲上有百尺絲下有千歲苓自性得久要為人制

頽齡小草有遠志相依在平生醫和不並世深根且固蒂人言可醫國何
用太早計小大材則殊氣味固相似

贈柳閱展如八首以桃李不言下自成蹊八字為韻

柳君文武甚睥睨萬人豪老氣鼓不作卷旗解弓刀上為朝陽桐下為澗
溪毛囊中有美實期子種蟠桃

又

浮陽愧嘉魚道傍多苦李古來賢達人爭咸陽市吾子富春秋日月東
趨水潛聖有玉音聞道而已矣

又

霜威能折綿風力欲冰酒動君來訪道愕然我何有寢興與時俱由我屈
申肘飯羹自知味如此是道不

又

任世萬鈞重載言以為軒空文誤來世聖達欲無言咸池浴日月深宅養
靈根曾中浩然氣一家同化元

又

陸沉百世師奇食魯柳下我今見諸孫風味窺大雅大雅久不作圖王勿
成霸偉哉居移氣蘭鮑在所化

又

聖學魯東家恭惟同出自乘流去本遠遂有作書肆日中駕肩來薄晚常
掉臂徒囂終無贏歸矣求己事

又

清潤玉泉冰高明秋景晴妙年勤翰墨銀鈎爛縱橫藍田生美璞未琢價
連城思為萬乘器柱下貴晚成

又

八方去求道渺渺困多蹊歸來坐虛室夕陽在吾西君今秣高馬夙駕先
鳴鷄慎勿取我語親行乃不迷

贈高子勉四首

文章瑞世驚人學行劔心潤身沅江求九肋鼈荊州見一角麟

又

張侯海內長句晁子廟中雅歌高郎少加筆力我知三傑同科

又
妙在和光同塵事須鈞深入神聽它下虎口著我不為牛後人

又
拾遺句中有眼彭澤意在無弦顧我今六十老付公以二百年

再用前韻贈子勉四首

曾中有度擇人事上無心活身只麼情親魚鳥儻然圖畫麒麟

又
行要爭光日月詩須皆可絃歌着鞭莫落人後百年風轉蓬科

又
句法俊逸清新詞源廣大精神建安才六七十子開元數兩三人

又
醉鄉閑處日月鳥語花中管絃有興動來把酒與君端欲忘年

贈趙言

饒陽趙方士眼如九秋鷹學書不成不學劍心術妙解通神明醫如俯身
拾地芥相如仰面觀天星自言方術雜鬼怪萬種一貫皆天成大梁卜肆
傾賓客二十餘年聲籍籍得錢滿屋不經營散與世人還寄食北門塵土
滿衣襟廣文直舍官槐陰白雲勸酒終日醉紅燭圍棋清夜深大車駟馬
不回首強項老翁來見尋向人忠信去表襮可喜正在無機心輕談禍福
邀重糶所在多於竹葦林翁言此輩無足聽見葉知根論才性飛騰九天
沉九泉自種自收皆在行先期出語駭傳聞事至十九中時病輪困離音
惜老大成器本可千萬乘自歎輕霜白髮新又去驚動都城人都城達官
老於事嫌翁出言不媵媚有手莫炙權門火有口莫辯荆山玉吳宮火起
燕焚巢當時下和斷兩足千里辭家却入門三春榮木會歸根我有江南
黃篋舫與翁長入白鷗群

贈張仲謀

車如鷄栖馬如狗閉門常多出門少去天五尺張公子官居城南池館好
健兒快馬紫游韁迎我不知沙路長高榆老柳媚寒日枯荷小鴨凍野航
津人刺船起應客遙知故人一水隔下馬索酒呼三盞騎奴笑言客竟癡
向來情義比瓜葛萬事略不置町畦追數存亡異憂樂燭如白虹貫酒巵
開軒臨水弄長笛吹落殘月風淒淒城頭漏下四十刻破魔驚睡聽新詩

君詩清壯悲節物政與秋虫同一律爾來更覺苦語工思婦霜碁擣寒月
朱顏綠髮深誤人不似草木長青春潔身好賢君自有今日相看進於舊
以茲敢傾一盃酒爲太夫人千萬壽

贈陳師道

陳侯學詩如學道似秋虫噫寒草日晏腸鳴不俛眉得意只人便忘老
君不見向來河伯負兩河觀海乃知身一蠹旅牀爭席方歸去秋水結天
不自多春風吹園動花鳥霜月入戶寒皎皎十度欲言九度休萬人叢中
一人曉貧無置錐人所憐窮到無錐不屬天呻吟成聲可管絃能與不能
安足言

贈王環中

丹霞不蹋長安道生涯蕭條破席帽囊中收得劫初鈴夜靜月明師子吼
那知定後一爐香牛沒馬回觀六道耆域歸來日未西一鉏識盡婆娑草

贈鄭郊

高居大士是龍象草堂夫人非熊巖不逢壞衲乞香飯唯見白頭垂釣絲
鴛鴦終日愛水鏡菡萏晚風凋舞衣開徑老禪來煮茗還尋密竹逕中歸

贈黔南賈使君

綠髮將軍領百蠻橫戈得句一開顏少年圯下傳書客老去空同問道山
春入鶯花空自笑秋成梨棗爲誰攀何時定作風光主待得征西鼓吹還

贈李輔聖

交蓋相逢水急流八年今復會荊州已回青眼追鴻翼肯使黃塵沒馬頭
舊管新收幾粧鏡流行坎止一虛舟相看絕歎女博士筆研管絃成古丘

次韻贈稚川并呈進叔

人騎一馬鈍如蛙行向城東小隱家道上風埃迷皂白堂前水竹湛清華
我歸河曲定寒食公到江南應削瓜樽酒光陰俱可惜端須連夜發園花

贈王聖美三子補中

王家人物從來遠今見諸孫揔好賢三級定知魚尾進一鳴已作鴈行連
愧無藻鑑能推轂願卷能書當贈錢歸去雄誇向兒姪舍中犢子賸狂顛

題前定錄贈李伯牖二首

五賊追奔十二宮白頭寒士黑頭公明朝一飯先書籍安用研桑作老翁

又

萬般盡被鬼神戲看取人間傀儡棚煩惱自無安脚處從他鼓笛弄浮生

贈陳元輿祠部

武成園木鎖中秋久得汀州刺史遊招喚丁寧方邂逅誰言天網漏吞舟

贈石敏若

才似謫仙惟欠酒情如宋玉更逢秋相看領會一談勝注目長江天際流

簡寄上

己未過太湖寺作詩寄各

從學晚聞道謀官無見功早衰觀水鑿內熱愧鄰邦北鄰有宗侯治劇乃
雍容摩手撫鯁寡稊礎強梁桃李與荆棘稱物施露霜政經甚積密私
不蚍蜉通吏舍無請昧家有侯在堂府符下益策縣官勸和羹作民敏風
雨今先諸邑行我居萬夫上闔情世無雙此邑宅巖巖里中頗秦風翁媪
無恙時出分如蜂房一錢氣不直白梃及父兄簪筆懷三尺揖我謂我臧
向來豪傑吏治之以牛羊我不忍敵民教養如兒甥荆雞伏鵠如久望羽
翼成訟端洵洵來諭去稍聽從尚餘租庸調歲歲稽法程按圖索家資四
壁達牖牖揜目鞭朴之析揚相推振身欲免官去驚馬戀豆糠所以積廩

鹽未使戶得烹八月醞社酒公私樂年登遣徒與會稽而悉走荻篁吾惟
不足遣夙駕略我疆邑西軟戾地是嘗嬰吾鋒齟齬其強宗彼乃可使令
夙夜于遠郊草露沾帷裳入磴履虎尾捫蘿觸萬壑借問夕何宿煙邊數
峯橫松竹不見天蟠空作秋聲谷鳥與溪瀨合絃琵琶箏枕駕亂石間巖
寺鳴疎鍾山農頗來服見其父孫翁苦辭王賦遲戶戶無積藏民病我亦
病呻吟達五更韻為誦書語行歌類楚狂舉鞭問嘉禾秣馬可及城惜哉
憂城旦不得對榻牀灑筆付飛鳥北風吹報章書回銀鈎壯句與麝煤香
浮蛆撥官醅傾壺嫩鵝黃山氣常翁罇此物可屢觴預樂割紫藤開籠書
手封味温頗宜人毛以石飴薑舉盃引藥糜詠詩對寒江寄聲其勞苦相
思秋月明我邑萬戶鄉其民資噍凶欲割以壽公使之承化光反以來壽
我中有吞舟鯨銅墨俱王命職思慰孤惻何時睹一擲燒燭呪明瓊

寄陳適用

日月如驚鴻歸燕不及社清明氣妍暖疊疊向朱夏輕衣頗宜人裘褐就
梳架已非紅紫時春事歸桑柘空餘車馬跡顛倒桃李下新晴百鳥語各
自有匹亞林中僕姑歸苦遭拙婦罵氣候使之然光陰促晨夜解甲號清

風即有幽虫化朱墨本非工王事少閑暇幸蒙餘波及治郡得黃霸邑鄰
陳太丘威德可資借決事不遲疑敏手擘泰華頗復集紅衣呼噉飲休假
歌梁韻金石舞地委蘭麝寄我五字詩句法窺鮑謝亦歎簿領勞行欲問
田舍相期黃公壚不異秦人炙我初無廊廟身願執耕稼今將荷鋤歸區
芋畦甘蔗觀君氣如虹千輩可陵跨自當出懷璧往取連城價賜地買歌
僮珠翠羅廣廈官貴不相忘寄聲相慰藉

寄餘干徐隱甫

江行長遭回風水憂索米相逢解人頤豪士徐孺子鷓鴣葭葦間煮茗當
酌醴夜船餉蒸鷓白髮厭甘旨東江始分風苔網饋百紙遣兵夜賦詩月
冷石齒齒別來星環天再見艷桃李寄聲良勞動報我闕雙鯉但聞佳邑
政粗械生困耳頗聞延諸儒破訟作詩禮顧予白下邑庭聚雨前蟻珥筆
誦漢章錐刀爭未已初無得民具名實正爾爾願聞庖丁方江湖天到水
遙知解千牛袖手笑血指書來儻垂教改事從此始

寄上高李令懷道

李侯湖海士瓜葛附婚友平生各轉蓬未曾接樽酒寄聲維勞動江路常
永以節物居然秋蛭虫悲高柳傳聞闢學館鼓士薦豚豕能使珥筆黔稍
知忠信有驕虎縮瓜距詩禮開戶牖事勝感邦人伐山謀不朽武功筆如
椽文字爛瓊玖謂予有書癖摹篆寫科斗不珍金石刻要我一揮肘安知
乃兒戲敢傳萬世後摩拂幼婦篇慙非換鵝手公其勤勞來嘉政民父母
不用琢蒼崖豐碑在人口

見子瞻詩次韻寄彭門

公材如洪河灌注天下半風月未嘗撓晝夜聖所歎名世二十年窮無歌
舞玩入宮又見妬徒友飛鳥散一飽事難諧五車書作伴風雨暗樓臺鷄
鳴自昏旦雖非錦繡贈欲報清玉案文似離騷經詩窺闕睢亂賤生恨學
晚曾未奉巾盥昨蒙雙鯉魚遠託鄭人緩風義薄秋天神明還舊晉更磨
薦襴墨推挽起疲懦忽忽未嗣音微陽歸候炭仁風從東來拭目望齋館
鳥聲日日春柳色弄晴暖漫有酒盈樽何因見此粲

次韻寄堯民

君聞蘇公詩疾讀思過半譬如聞韶耳三月忘味歎我詩豈其朋組麗等
俳玩不聞南風絃同調廣陵散鶴鳴九天上肯作家雞伴臯子但愛我品

藻私月旦官閑樂相從
梨栗供杯案門靜鳥雀嬉
花深蜂蝶亂忽蒙加禮
貌齋戒事擅盟問大心
更小意督辭及緩君材
於用多舞選弓矢貫聰明
回自照勝已果非懦我
如相繪事素質施朽炭
古來得道人非獨大庭
館
晁子已不疑冬寒春自
暖繫表知藥言擇友得
荀粲

次韻寄子瞻聞得湖州

天下無相知得一已當
半桃僵李爲小芝焚蕙
增歎佳人在江湖照影
自娛玩一朝入漢宮掃
除備冗散何如終流落
長作朝雲伴相思欲面
論坐起雞五旦身慙尸
廩祿有罪未見案公文
雄萬夫皦皦不自亂臧
穀皆亡羊要以道湔盟
傳聲向東南王事不可
緩春波下數州快若七
札貫椎鼓張風帆相見
激衰懦空文不傳心千
古付煨炭安得垂天雲
飛就吳興館魚鱖柳絮
肥筍煮溪沙暖解歌使
君詞樽前有三粲

寄傅君倚同年

有情清江水東下投豫
章故人江上居不寄書
一行相思對明月談笑
如清光向風長歎息孤
鴈起寒塘傾寫鬱結懷
因之東南翔姑氏有淑
質幽林蘭靜芳願因奉
箕箒藉藻羞蒸嘗念君
方策名要津邁騰驤引
車入里門觀者塞路傍
邕邕求匹好羔鴈委潘
楊顧惟蓬茅陋豈能屈
東牀眷言南鳴鴈七子
伊在桑幸緣一日雅結
好永不忘

元翁坐中次韻寄溢城

雨罷山澤明日長花柳
困游絲上天衢觀物得
無悶時從顧曲人筭饌
酌春醞季子未識面想
見眉目後新詩如鳴弦
快讀開鄙吝銅官魯諸
生事道三無愠比來工
五字句法妙何遜枯基
覆吳圖青簡玩秦燼葉
暗黃鳥時風號報花信
遙仰吟思苦江錦割向
盡應煩王公子又破黃
封印

寄李次翁

雨斫山川明花深鳥鳥
樂枯骨不露名古今同
一壑惟有在世時聊厚
不爲薄南箕與北斗親
友多離索斯文如舊歡
李侯極磊落頗似元魯
山用心撫疲弱不以民
爲梯俯仰無所怍曾中
種妙覺歲晚期必獲然
膏夜讀書見聖宜有作
文字寄我來官郵遠飛
橐世緣心已死儻得萬
金藥

寄裴仲謀

交游二十年義等親骨肉
風雨漂我巢公亦未有
屋寄聲來問安足音到
空谷我家輦轂下薪桂
炊白玉在官與影居衣
綻髮曲局天機行日月
春

事勤草木念公篤行李野飯中道宿驚沙卷旂烏尾訛城角騷騷家治具夫子且歸沐作書寄後乘爲我遣臣僕起居太夫人并問相與睦

次韻孫子實寄少游

薛宣欲吏雲季氏或招閔此公曾中秋萬物欲收相賣藥偶知名草玄非近準才難不易得志大略細謹士生要弘毅天地爲蓋軫驥來監車駟并下短綆引難甘呼爾食聊寄粲然蹶誰能借前籌還婦用束緼吾聞調羹鼎異味及粉董豈其供王羞而棄會稽荀

奉同子瞻韻寄定國

風雲開古鏡淮海熨冰紉王孫醉短舞羅襪步微瀾老驥心雖在白鷗盟已寒斯人氣金玉視世一鼠肝南歸脫虫蠱入對隨孔鸞忽以口語去鼓船下驚湍收身薄冰釋置枕泰山安后土花藥麗海門天水寬伐木思我友知人良獨難遙怜須鬢綠猶復耐悲歡

次韻寄晁以道

河漢半與女咫尺不得語歡然共秋盤以茲不忘故我友在天末問天許見否雲雨隔九關日月不我與念君坐臞禪守心如縛虎頗思携法喜舉案饁南畝不聞犯齋收猶聞畫眉詡良爲鼻祖來渠伊爲伴侶我有桂溪刀聊馮東風去

次韻寄范子夷子默

鼓缶多秦聲琵琶作胡語是中非神奇根器如此故范公秉文德斷國極可否至今筦樞機大度而少與蟬嫣世有人風壑嘯兩虎小心學忠孝鄙事能壠畝持論不遽除奉身謝誇詡頗知城南園文會英俊侶何當休沐歸懷茗就煎去

寄忠玉提刑

市骨斲千里量珠買娉婷駘參逸駕西子泣深屏吾人材高秀曾次列渭涇嚴老喜劇部持節按祥刑萑蒲稍衰息郡縣或空囹讀書頭愈白見士眼終青今時斤斧地虛次待發劓早晚紫微禁占來有使星

寄李東巖八首

竹貫四時清月通雲氣明外弟有佳質妙年推老成後凋對霜雪不昧處陰晴盛德當如此古人畏後生

又

在昔授子書髮彼垂兩髮乖離今年樹立映先達清燈哦妙句如酌春
酒滑把書念攜手惆悵至明發

又

人生不如意十事恒八九未見歷下人徒傾歷城酒從來親骨肉不免相
可不但願崇事實虛名等箕斗

又

蚤知鵲山亭李杜發佳思彌年聽傳誇登覽通夢寐遙憐坐清曠落筆富
新製尚因賓客集瀝酒使我醉

又

往在舅氏旁獲拚堂上第六經觀聖人明如夜占斗索居廢舊聞獨學無
新友羨子杞梓材未曾離矯揉

又

安詩無恙時學行超輩儕華屋落丘山百憂滿人懷此士如不亡仲子抱
奇材不獨典刑在神明還觀來

又

少時誦詩書貫穿數萬字爾來窺陳編記一忘三二光陰如可玩老境翻
手至良醫曾折足說病迺真意

又

桃李春成徑本自不期人歷下兩寒士簞瓢能悅親耻蒙伐國問肯卧覆
車塵子既得此友從之求日新

寄李師載

同陞吏部曹往在紀丁未別離感寒暑歲星行十二我慚雞蓋穀子歎天
且剗空餘山梁期尚不昧初志

又

會合良難期繫匏各異縣千里共明月如披故人面浮雲蔽高秋此豈心
中願霧重豹成文水清魚自見

又

齊地穀翔貴排門無饜饋二仲有甘旨奉親亦良勤原田水洗洗何時稼
如雲無民願歲豐政自不忘君

又

古人有成言歲暮於吾子斧揮郢人鼻琴即鍾期耳新詩凌建安高論到
正始徒言參隔辰未負石投水

又

白雪非衆聽夜光忌暗投古來不識察浪自生百憂三月楚國淚千年郢
中樓無因杭一葦濁水拍天流

又

河南李茂彥內蘊邁俗心濬冲有涇渭一顧重千金事親知色難勝已又
勇沉外物既難必求之首陽岑

又

飄風從東來雨足盡西靡萬物逐波流金石終自止渭因涇使濁非以葑
故毀智所無奈何誰能爲樗里

又

紛紛車馬客如集市人博彼雖有求來我但快一噓忽逢媚學子時亦撼
關鑰何當携手期濠上得魚樂

贈陳公益

陳子善學問正色鉏其驕束身居言前析理在意標心隨出處樂性與寂
寞超安安而雅雅不以行險傲王良馭驥子冉弱六轡調自吾與之遊忘
味如聞韶至道斯近神莊生說承蜩顧恐陳子止誰能中道要我永一飯
飽黃綬強折腰取舍不由已悲哉馬銜鑣長嘯天地間搔首獨無聊雅約
青山雲伊人與逍遙有如渝此盟白日尚昭昭平時多英豪楚楚在本朝
吾徒固長物分當老簞瓢

贈希孝

金玉雖滿堂一去誰能守石交千秋期程嬰報杵曰絲隨丹青染變態非
復舊竹枝寒蒼蒼草木黃落後匏從曲沃來管是汶陽有土性本高明天
材更渾厚葦之成國器實假匠伯手木平非斧斤是事公信否

贈謝敞王博喻

高哉孔孟如秋月萬古清光仰照臨千里特來求驥馬兩生於此敵南金
文章最忌隨人後道德無多只本心落軫斷絃塵漠漠起予還拂伯牙琴

類編增廣黃先生大全文集卷第十六

簡寄下

寄李子先八首

往日三語掾解道將無同我觀李校書超邁有古風談道屢入微閉門長
蒿蓬誰能嘗遠韻太守似安豐

又

流水鳴無意白雲出無心水得平淡處渺渺不厭深雲行不能雨還歸碧
山岑斯人似雲水廊廟等山林

又

俗士得失重舍龜觀朶頤六經成市道駟僮以為師吾學淡如水載行欲
安之惟有無心子白雲相與期

又

摧藏褫冠冕寂寞歸丘園一瓢俱好學伯仲吹荒墟政以此易彼高車擇
朱門得失固有在難為俗人言

又

攜手力不足七年坐乖離愁思不能眠起視夜何其殘月掛破鏡寒星滿
天垂明明故人心維斗終不移

又

窮閭蒿蔓殖富屋酒肉臭酒肉令人肥蒿蔓令人瘦欲從鍾鼎食復恐憂
患構秦時千戶侯寂寞種瓜後

又

客從濟南來遺我故人書墨淡字踈行故人情有餘上言猶健否次問意
何如只今意何有思食故溪魚

又

吾子有嘉德譬如含薰蘭清風不來過歲晚蒿艾間古來百夫雄白首在
澗壑非關自取重直為知人難

寄晁元忠十首

國工裁白璧巧冶鑄千將成爲萬乘器貫日吐寒光其誰渝拂汝歲月海
生桑蛛網連城玉苔生百鍊剛

又

子雲賦逐貧退之文送窮二作雖類俳頗見壯士曾晁子問行津欲濟無
山窮著書逢蒿底端有古人風

又

沙擁大江水泥封函谷關古來世上雄宰木風雨寒魯儒守一經亦有濶
谷樂何事窮愁極江南庾子山

又

河清無人待蘭芳無人采山空露團團寫蔓石磊磊世有傾國媒一笑珠
百琲往時禰處士顛倒孔北海

又

楚宮細腰死長安眉半額比來翰墨場爛熳多此色文章本心術萬古無
轍迹吾嘗期斯人隱若一敵國

又

北書來無期鴈不到梅嶺欲之雙鯉魚楓葉江路永平生中心願褊短不
獲騁富貴安可爲吾亦有空島

又

濟岱有佳人肌膚若冰雪我願從之遊補我黥與劓了不解人嗔真成一
癡絕襟社定頽然聊用神吾拙

又

山公懷涇渭濬冲遭鑿賞代豈無若人吹噓青雲上念君如濟水抱清伏
泉壤行潦酌尊彝吾猶恃源往

又

蛾眉在蒿萊金玉千里音遙思甌生塵汗漫觀古今沉冥驚人句墓寫詠
時禽無爲愁肝腎君子要刳心

又

臨川往長懷神交可心晤文章不經世風期南山霧化虫哦四時悲喜各
有故吾獨無間然子規勸歸去

寄尉氏倉官王仲弓

嘯臺有佳人玄髮鑑竚珥登高歌一曲聽者傾城市門無行媒迹草木倚
憔悴人物方眇然誰能委圭幣

次韻子瞻寄王宣義

叅軍但有四立壁初無臨江千木奴白頭不是折腰具桐帽棕鞵稱老夫
滄江鷗鷺野心性陰壑虎豹雄牙須鸚鵡作裘初服在猩血染帶鄰翁無
昨來杜鵑勸歸去更得把酒聽提壺當今人材不乏使天上二老須人扶
兒無飽飯尚勤書婦無複禪且著襦社甕可漉溪可漁更問黃雞肥與癯
林間醉著人伐木猶夢官下聞追呼萬釘圍腰莫愛渠富貴安能潤黃壚

寄張宜父

建德之國有佳人明珠為佩玉為衣去國三歲阻音徽所種桃李民愛之
射陽城邊春爛熳柳暗學宮鳥相喚追隨裘馬多少年獨忍長飢把書卷
讀書萬卷不直錢逐貧不去與忘年虎豹文章被禽縛何如達生自娛樂

寄朱樂仲

故人昔在國北門鄰舍杖藜對樽酒十五餘年乃一逢黃塵急流語馬首
懶書愧見南飛鴻君居三十六峯東我心想見故人面曉雨垂虹到望松
發顛上寄余洪範

二川來集南康郡氣味相似相和流水落山明數歸鴈鬱孤欄楣繞深秋
曾中淳于吞一石塵下庖丁解十牛它日欲言人不解西風散髮掉扁舟

次韻寄王文通

故人昔有凌雲賦何意陸沉黃綬間頭白眼花行作吏兒婚女嫁望還山
心猶未死杯中物春不能朱鏡裏顏寄語諸公肯湔浣割雞令得近鄉關
罷姑孰寄元明

追隨富貴勞牽尾準擬田園略監觴本與江鷗成保社聊隨海燕度炎涼
未栽姑孰桃李徑却入江西鴻鴈行別後常同千里月書來莫寄九回腸

新喻道中寄元明

中年畏病不舉酒孤負東來數百觴喚客煎茶山店遠看人秧稻午風涼
但知家裏俱無恙不用書來細作行一百八盤携手上至今猶夢遶羊腸
寄黃從善

故人千里隔談經想見牛刀刃發硯渴雨芭蕉心不展未春楊柳眼先青
鳥飛葉縣郎官宰虹貫江南處士星天子文思求逆耳吾宗一為試雷霆

寄袁守廖獻卿

公移猥甚叢生笋訟牒紛如蜜分窠少得曲肱成夢蝶不堪衙吏報鳴鼙
已荒里社田園了可柰春風桃李何想見宜春賢太守無書來問病維摩

廖袁州見谷再次韻寄之

春去懷賢感物多，飛花高下胥絲窠。傳聞治境無戾虎，更道豐年鳴白鼉。
史筆縱橫窺寶鉉，詩才清壯近陰何。寄聲千萬相勞苦，如倚胡牀得按摩。

劉司法和予詩次韻

袁州司法多兼局，日暮歸來印幾窠。詩罷春風榮草木，書成快劍斬蛟鼉。
遙知吏隱清如此，應問卿曹果是何。頗憶病餘居士否，在家無意食蘿摩。

次韻吉老寄君庸

何郎生事四立壁，心地高明百不憂。白眼醉來思阮籍，碧雲吟罷對湯休。
諸公著力書交上，尺璧深藏價未酬。空使君如巢幕燕，將雛處處度春秋。

寄黃幾復

我居北海君南海，寄鴈傳書謝不能。桃李春風一杯酒，江湖夜雨十年燈。
持家但有四立壁，治病不蕪三折肱。想得讀書頭已白，隔溪猿哭瘴溪藤。

次韻幾復和所寄

海南海北夢不到，會合乃非人力能。地褊未堪長袖舞，夜寒空對短檠燈。
相看鬢髮時窺鏡，曾共詩書更曲肱。作箇生涯終未是，故山松長到天藤。

寄舒申之戶曹

吉州司戶官雖小，曾屈詩人杜審言。今日宣城讀書客，還趨手板傍轅門。
江山依舊歲時改，桃李欲開煙雨昏。公退但呼紅袖飲，剡傳歌曲教新翻。

次韻奉寄子由

半世交親隨逝水，幾人圖畫入凌煙。春風春雨花經眼，江北江南水拍天。
欲解銅章行問道，定知石友許忘年。春令各有思歸恨，日月相催雪滿顛。

再次韻答子由

蠶尾銀鈎寫珠玉，剡藤蜀繭照松煙。似逢海若談秋水，始覺醯雞守甕天。
何日清揚能覩面，只今黃落又周年。萬錢買酒從公醉，一鉢行歌聽我顛。

再次韻寄子由

想見蘇耽携手僊，青山桑柘冒寒煙。麒麟墮地思千里，虎豹憎人上九天。
風雨極知雞自曉，雪霜寧與菌爭年。何時確論傾樽酒，醫得儒生自聖顛。

次韻寄上七兄

學得屠龍長縮手，鍊成五色化蒼煙。誰言遊刃有餘地，自信無功可補天。
啼鳥笑歌追暇日，飽牛耕鑿望豐年。荷鋤端欲相隨去，邂逅青雲恐疾顛。

寄賀方回

少游醉卧古藤下誰與愁眉唱一盃解作江南斷腸句只今唯有賀方回

將次施州寄張使君

書來日日覺情親今信施州是故人許我投名重入社放狂作惱未應嗔

又

收拾從來古錦囊今知老將敵難當囊中尚有毛錐子花底樽前作戰場

又

一別施州向十霜傳聞佳句望風降空卷不易當堅敵振臂猶思起病創

酬荅上

和荅莘老見贈

西風挽不來殘暑推不去出門厭鞞帽稅駕喜中履道山鄰日月清越深
牖戶同舍多望郎閑官無窘步少監巖壑安宿昔郎廟具行趨補衮職黼
黻我王度歸休飲熟客觴豆愆調護浩然養靈根勿藥有神助寄聲舊屬
屬訓告及匕箸尚憐費諫紙玉唾灑新句北焙碾玄璧合簾煮甘露何時
臨書几剥芡談至莫

次韻禹直道輔贈荅

我老倦多故心期馬少游願為春眠蠶吐絲自綢繆翩翩魏公子閱世無
全牛吹噓鼓萬物領袖傾九流昨來懷白壁往撼西諸侯中丞文武將良
非衛霍侔誓開河源地畫作禹貢州壯士捐軀死鯨鯢尚吞舟客心無一
寸草食隨百憂故人道舊語末路非前儔重來滕王閣楓葉江上秋章子
飽經術賦詩如曹劉太學得虛名權勢殊未允禍機發無妄對吏抵搶頭
遇逢椎鼓赦帝澤萬邦休章江三年拘解裝買莫愁麗姬泣又悔生故難
豫謀邂逅識面晚困窮理相收夜語倒樽酒參旌偃風旒兩公但取醉今
古共高丘

和劉景文

追隨城西園殘暑欲退席夜涼雨新休城譙掛蒼壁佳人携手嬉調笑忘
日夕劉侯本將家今為讀書客詩名二十年風雅自推激牛鐸調黃鍾新
餘合琴瑟食無千戶封句有萬人敵頗類鄴侯家連牆架書冊殘編汲縣
冢半隸鴻都壁渠成亦秦利願公多購獲竟須卜比隣勞苦相飲食身有
小醜女已自喜翰墨要傳未見書遮眼差有益人生但安樂券外豈吾力

分鹿誰覺夢亡羊路南北公今百寮底雪髮不勝憤愛公欲前拂顧我已
頭白

次韻荅邢惇夫

為山不能山過在一簣止渥洼騏驎兒墮地志千里岷山初濫觴入楚乃
無底將升聖人堂道固有廉陞邢子好少年如有源水方求無津涯不
作蛙井喜兒中元老蒼趣造甚奇異過闕王公門袖中有漫刺別來阻河
山望遠每障袂斯文向千載有志常寡遂後生文楚楚照影若孔翠不應
太玄草晞價咸陽市雨作枕簟秋官閑省中睡夢不到漢東茗椀乃為崇
聞君肺渴減頗復佳食寐讀書得新功來鴈寄一字

次韻道輔雙嶺見寄

明如九井璜美如三危露正觀魏公孫今來功名誤兒時漢南柳搖落傷
歲暮時不與我謀義和促天步生涯魚吹沫文彩豹藏霧人言壺公老渠
但未得趣飲酒入壺中茫然失巾履時不與我謀今君向何處蓮塘倒箭
韞桂影涼霜兔平生知音地地下無尺素十夜九作夢虜乘驚沙度時不
與我謀征西枕戈去

晁張和荅秦觀五言次韻

山林與心違日月使鬢換儒衣相詬病文字奉娛玩自古非一秦六籍蓋
多難詩書或發冢孰念令人惋秦君銳本學驥子已血汗相期驂天衢伯
樂嘗一眎士為欲心縛寸勇輒尺懦要當觀此心日照雲霧散扶疎萬物
影宇宙同璀璨置規豈惟君亦自警弛慢

奉荅子高見贈

柳徑雨着綿竹齋風墮籜屏處人事少晴餘鳥聲樂詩卷隨我前謂從天
上落君有古人風詩如古人作筆瓢謝膏梁翰墨化糟粕誤蒙東海觀吾
淺廼可酌真成聞道百自謂莫已若謝生石蘊玉志尚本丘壑雖無首陽
粟飲水亦不惡登然何時來為我一發藥

次韻荅張文潛惠寄

短褐不磷緇文章近楚辭未識想風采別去令人思斯文已戰勝凱歌偃
旂旂君行魚上冰忽復燕哺兒學省得佳士催來費符移方觀追金玉如
許遽言歸南山有君子握蘭懷令姿但應潔齋侯勿詠無生詩

次韻師厚荅馬著作

嘗聞馬南郡少有拔俗韻寒灰幾見溺鍛翻常思奮桐薪鳴竈間劍氣吐
吳分多言世益蚩當律心自隱家雖四壁立仕要三無愠會將漁父意往
就莊生問

次韻荅王寅

有身猶縛律無夢到行雲俗裏光塵合曾中涇渭分我寒江南秀一見空
馬群夸士慕鍾鼎寒儒守典墳吾欲超萬古乃如負山蚊能來商略此跌
坐對鑪芬

次韻荅晁無咎見贈

翁翁一日炎耽耽萬年永四海仰首觀頃復歸根靜時雨瀉玉除潢流漲
天井性不耐衣冠人門踈造請煮餅卧北牕保此已傲幸空餘見賢心忍
渴望梅嶺

次韻仲車因行父見寄

前朝老諸生大半正立首投荒萬里歸煩公問健否往時望江宰今爲夏
津吏它日可教之玉音尚無棄

奉和文潛贈無咎八首

龜以靈故焦雉以文故翳本心如日月利欲食之既後生玩華藻照影終
沒世安得八紘置以道獵衆智

又

談經用燕說東棄諸儒傳濫觴雖有罪末派瀛九縣張侯具理窟堅壁勿
與戰難以口舌爭水清石自見

又

野性友麋鹿君非我同群文明近日月我亦不如君十載長相望逝川水
泐泐何言談絕倒茗椀對鑪薰

又

北寺鎖齋房陳鑰時一啓晁張是然來連璧照書几庭栢鬱葱蔥紅榴罅
多子時蒙吐佳句幽處萬籟起

又

先皇元豐末極厭士淺聞只今舉秀孝天未喪斯文晁張班馬手崔蔡不
足云當令橫筆陣一戰靜楚氛

又

張侯窘炊玉儼屋得空壚但見索酒郎不見酒家胡雖肥如瓠壺曾中殊
不麁何用知如此文采似於菟

又

荆公六藝學妙處端不朽諸生用其短頗復鑿戶牖譬如學捧心初不悟
已醜玉石恐俱焚公爲區別不

又

吾友陳師道抱獨門掃軌晁張作薦書射雉用一矢吾聞舉逸民故得天
下喜兩公陳堂堂此士可摩壘

贈韻谷王四

病懶百事廢不惟書問疎新詩苦招喚是日鎖直廬潢汙深一尺大道覆
行車晴夜遙相似秋堂對望舒

荆南簽判見惠次韻四首

仕宦初不因人富貴方來逼身要是出群拔萃乃成威鳳祥麟

又

向侯賦我菁莪何敢當不類歌顧我乃山林士看君取將相科

又

覆却萬方無準安排一字有神更能識詩家病方是我眼中人

又

覓句真成小技知音定須絕絃景公有馬千駟伯夷垂名萬年

次韻石七三七首

從來不似一物妄欲貫穿九流骨硬非黃閣相眼青見白蘋洲

又

生涯一九節節老境五十六翁不堪上補黼黻但可歸教兒童

又

萬里草荒先壘六年虫蠹群經老喜寬恩放去心似驚波不停

又

爲君試講古學此事可牋天公君看花梢朝露何如松上霜風

又

幽州已投斧柯崇山更用憂何且喜龔鄒冠豸又聞張董上坡

又

看着莊周枯槁化為蝴蝶翩輕人見穿花入柳誰知有體無情

又

欲行水遠山圍但聞鯤化鵬飛女憂鬢髮盡白兄歎江船未歸

次韻荅吉老并寄君庸

傾懷相見開城府取意閑談沒日窠但取吏曹無狡免任呼舞女伐靈鼉
屢中甕面酒幾聖苦憶尊前人姓何願得兩公俱助我不唯朱墨要漸摩

次韻坦夫見惠長句

溫風撩人隨處去欲如羶羊蟻旋幕落英前馬高下飛牽挽忽與樽酒遇
令行如水萬夫長

傾蓋不減平生故素衣成緇面黧黑突說塵沙工點汗王事賢勞尚有詩
自卷溪藤染霜兔桃李清陰坐未移走送雄篇疲健步張侯先不露文章
十年深深豹藏霧歛來聽訟小棠陰千里鳴弦舞韶護我名最落諸人後
頓使漂山由衆煦伐木丁丁愧友聲食苹叨懷野聚谷陽舊壘一片春
勤我引領西南徠遙知紅紫能亂眼錦衾夢高唐賦簡書留拘四十里
夢魂明明識歸路公才富比滄海宮明珠珊瑚凡幾庫惠連宰上麥纖纖

予早與仲和游
仲和才甚秀

喜公猶得春草句明朝折柳作馬蕃想見杯盤吐嗟具風

光暫來不供翫大似橫塘過飛鷺甕面浮蛆暖更多氣味煩公卒調護
樹底勸提壺南岡北岡教脫袴春衣可著慳醉眠急觴催傳莫論數

寄李張

園中看笋已成竹塔下種槐還得陰出門望君車馬絕臨水問信鯉魚沉
贈君以匠石斲泥之利器淵明無弦之素琴此書到日可歸未思子妙質
為知音

古風寄周元翁

周元翁古人風詩書苦作字工尤有德自琢龍觀古人怨慧聰眼欲盲耳
欲聾黃落後期君同

寄張仲謀二首

愁眼看春色城西醉夢中柳分榆莢翠桃上竹梢紅燕濕社翁雨鷺啼花
信風別離感貧賤殷子正書空
青春倚江閣萬象客秋中江水不勝綠簷花無賴紅歌斜半簾日留滯一
帆風攜手離筵上清樽不易空

呈馬粹老范德孺

穎上相逢杏始青爾來瓜瓞有新耕四時為歲已中半萬物得秋將老成
日永清風搖麈尾夜闌飛電落棊枰兩廳未覺過從數政以頑踈累友生

次韻寄藍六

聖學相期滄海頭當時各倚富春秋班揚文字初無意滕薛功名自不優
焦尾朱絃非衆聽南山白石使人愁傳聲為向揚州問相憶猶能把酒不
再和寄藍六

南極一星淮上老承家令子氣橫秋萬端只要稱心耳五鼎何如委更優
海燕催歸人作社江花欲動雨含愁追思二十年前會棠棣飄零歎鄂不
道中寄景珍兼簡庾元鎮

傳語濠州賢刺史隔年詩債幾時還因循樽俎踈相見弃擲光陰只等閑
心在青雲故人處身行紅雨亂花間遙知別後多狂醉惱殺江南庾子山
呈李卿

呈王明復陳李張

歌舞如雲四散飛東園籃輦醉歸時細看春色低紅燭仰折花枝隊接羅
仙李回風轉長袖野桃侵雨浸燕脂夜長晝短知行樂不負君家樂府詩
倦客西來厭馬鞍為予休轡小長安陳遵投轄情何厚王粲登樓興未闌
雪壓群山晴後白月臨千里夜深寒少留待我同歸去洛下林中斫釣竿

離汝寄張子

草枯木落晚淒淒目斷黃塵聽馬嘶想子重行分首處荒涼巢父井亭西
次韻荅宗汝為見寄

官蛙無時休不知憂復樂天日半規黃冉冉納莫壑烏棲松隕花風下竹
解籜南箕與北斗磊磊貫纓絡懷我隣邦友賢義本不薄箕斗常相望江
含霧冥漠勿烹雙鯉魚中有初夏作詩詞清照眼明月麗珠箔間出句岬
竒芙蓉依綠弱雄辨簡色空韓盧逐東郭終篇談不二自耽世纏縛此道
久陸沉喜公勤博約盈籠惠石芝烏皮剝猿攬野人烹嘉蔬回首葵蕒惡
勸盍殊未工追呼聯纏索聞君欲課最豈有不龜藥我民六萬戶過半客
棲泊棘端可沐猴且願觀其削官符晝夜下朝播責莫獲射利者誰其登
隴鬱繁弱昨聞數邦貢曲禮賦三錯恭惟廊廟上獻納及新瘼繡衣城南
來免冠謝公作歸乘下澤車絕意麟麒麟閣田園蒙帝力仰以萬壽酢公材

橫太阿越砥斂霜鏑智囊無遺漏膽量包空廓行當治狀聞雄飛上碧落
我材真不長有地愧槃礴平陸非距心滕薛困公綽看人取卿相妄意亦
嚙嚼終不作相纍惟悴吟杜若一心思傾寫何時叩高鑰

荅周德夫見寄

自我官東南久無西北書周郎縱橫才效唾落明珠寄聲相勞苦敦厚不
忘初窮山江莽蒼曾次亦寬舒念君懷白璧故作短褐趨秋官方按劍不
與計吏俱驚嗟相見晚天子識嚴徐想當蒐逸民耕釣起海隅鶴翎需啄
抱龜尾且泥塗功名好采來五百成一呼小人丘壑心日月半謝除何時
真得歸猿鳥為先驅投身嬰世故葛蔓恐難圖相思欲寫寄滴盡玉蟾蜍

次韻荅薛樂道

薛侯筆如椽崢嶸來索敵出門決一戰莫見旗鼓迹今嚴初不動帳下聞
吹笛乍奔水上軍拔幟入趙壁長驅劇崩摧百萬俱辟易子於風雅間信
矣強有力天材如升斗吾恨付與窄攬物能微吟假借少儲積山城坐井
底聞見更苦僻子飛知音耶何一指瑕謫

類編增廣黃先生大全文集卷第十六



